

docriver 文川网
入驻商家 古籍书城
在文川网搜索古籍书城 获取更多电子书

萬曆

泉州府志

第一册

一至二卷

重印萬歷泉州府志序

泉州獨立置州建治，已有一千二百七十餘年歷史。唐不聞有志，宋有嘉定（一說嘉泰）、淳祐二部《清源志》，元有至元《清源續志》，明有嘉靖、隆慶、萬歷三部《泉州府志》。目前通行本

係乾隆二十八年編纂的《泉州府志》，為泉州府最後一部地方志。可惜明隆慶以上諸志，早已散佚。萬歷本《泉州府志》目前國內僅存二部，一藏北京圖書館，二十四卷，原缺三頁；一藏中國科學院南京研究所，十五卷。一九八

docsriver 文川网
入驻商家 古籍书城

在文川网搜索古籍书城 获取更多电子书

四年十月，泉州志編纂委員會辦公室繼完成乾隆本《泉州府志》影印出版之後，又積極訪求萬歷本《泉州府志》，以北圖藏本為主還原複印，缺頁以南京藏本補之，成為國內最完整的一部，是珍貴的地方歷史文獻。泉州市人

民政府決定由泉州志編纂委員會
辦公室負責整理編輯影印，以保
存地方優秀文化遺產，爲史志工
作者和實際工作者提供歷史文獻
資料。爰記數語，以志始末。

泉州市市長 薛祖亮

一九八五年六月十五日

泉州府志序

吾郡志不知何昉所可知者宋
嘉定淳祐我

朝嘉靖隆慶各有志其書之行於
世隨古今爲代謝而一郡千秋
故實如火之傳薪車之接軌亦
以承續於不磨自隆慶戊辰迄

于今四十有五載矣楚梅城陽
公由戶曹大夫出守吾郡廉平
敏達閱載政成閉閣餘閒念郡
志久闕圖續修之請於撫按藩
臬諸臺皆報可則偕通守蘭谿
徐公推守安莊伍公左顧不佞
翔而屬之筆不佞耄矣固辭弗

克任而公固委之所敦請共事
者則銓部林君志唯省元李君
宗謙儀部何君穉孝學憲蘇君
弘家皆博雅正直可藉以匡吾
不逮不佞廼黽勉執役焉羣玉
駢萃奚用雕鏤衆音相宣已諧
韶濩凡六閱月而志告成陽公

則又屬不佞序蓋墨子云吾見
百國春秋今天下郡國各有志
奚啻百矣顧其叙事屬詞率多
繁而不約較之國策國語其篇
章卷帙多寡懸殊得非以述往
詔來寧詳毋畧爲守故重之耶
夫守檀一方靈寵戶口登耗政

事得失人才盛衰風俗醇駁咸
握機黃堂之上其或政平訟理
閭畝樂業則山增輝而川增潤
否則妖蠶之氛應之由古鏡今
班班不爽語有之不習爲吏視
已成事郡國有志固二千石鑑
衡也夫惡得而不重也曩西漢

良守若黃霸龔遂留意民間微
而畜養種樹重則孝弟力田咸
若爲之藉記而矧於版籍賦歛
之法良有司賢士大夫之業張
敞守山陽上言其戶口籍數課
計事畧又願自試它郡條奏其
政治所繇廢所以興之狀史稱

其以經術輔政叅用儒雅不虛
哉陽公起家良令敷歷有年一
出而駸五馬聞見廣猷念深矣
諸所撫綏振飭易俗移風直足
班漢家循良而出其右第令旁
詢諸寮案集郡邑博士整齊故
實稱教令臨決之詎不足以創

身州府志 月
盛典垂後觀而下詢閭閻草澤
爲也不佞則諗于共事諸君子
太守公責成之意殷矣是宋真
王二賢守所未遑也吾儕其何
以圖稱塞昔孔子善鄭國爲命
說者謂子產揀國總司厥事以
潤色爲首功而其實不然蓋鄭

之諸賢實各據所長以襄國政
草創潤色詎寧有低昂而獨討
論亟焉是衆思所爲集衆言所
折衷周書曰議事以制孟氏曰
論世尚友胥此道也以故諸君
子殫精畢慮審法制之沿革揆
時宜之通變覈官方於民譽衡

人品於旦評彼此錯綜可否相
濟其討論甚詳而偏私之見弗
與焉此則不佞輩所以留意桑
梓而仰副太守公責成之極思
也若其永譽汗青以為茲志重
者則太守公預之矣不佞以一
日之長奉公命僭序于篇端

萬曆壬子秋八月望日

賜進士及第資善大夫南京禮部
尚書前吏禮部左侍郎兼翰林
院侍讀學士晉江黃鳳翔撰

docsriver 文川网
入驻商家 古籍书城

在文川网搜索古籍书城 获取更多电子书

嘉靖乙酉志序

凡志以系往實垂來憲上古聖神經天緯地畫象
而分野夏禹貢周職方嗣是輿地寰宇星野山海
河渠皆有志皆國也國則山川表鎮壤則邦典官
聯民數詳焉細不詳不必詳也迨省則詳郡而下
又詳備國志也自掌故氏廢志弗舉詳或過繁或
簡則過以畧官政人物升落舛迕稽求往跡率我
大明一統志觀焉一統志又國志也釐之爲八閩則
省志矣又釐而八郡則郡志矣郡視省省視國繁
簡疏密義例可舉諸他郡固已修矣泉七閩上郡

志獨廢文獻無徵殆甚焉嘉靖癸未中都高君越以材御史來守問俗於野稽政於民退而覈其故於郡士夫以與民興理無得也曰是胡置吾氓耳目塗哉匪民塗吾人者自塗之爾旣自歐陽四門以文章名蘇忠簡留忠宣以相業著廣平紫陽西山數大儒又從而指授之道學正傳後先有躋道風政俗昔賢之遺也紀述獨缺可乎乃合寅僚李君緝胡君寧道張君心禮致郡之賢有文給諫史君于光大行張君岳主撰述叅校于邑博鄧君文憲郡訓導鄭君道本舊志考信史積如千日爲類

十又四卷二十又六巨細纖微編輯無爽而宦躋
士品加決擇焉公而明詳而覈嚴而則古良史才
也而進民有禮矣定其趨象其賢鼓以成俗今之
溫陵將諸郡乎最斯志可以觀矣君溫績端毅持
大體舉廢興壞類有可書序郡志詳於志云

嘉靖乙酉仲夏望日

賜進士出身榮祿大夫

太子太保刑部尚書蕭見素林俊書于雲庄青野
又序

泉故閩望郡志闕弗修實自叔宋乃謀諸高侯越

曰茲固可廢乎哉廢則無徵何以資理侯用亟圖
乃惇聘給舍史君子光大行張君岳俾任厥事既
成予受讀焉則綱以綱之紀以紀之維闕用完維
晦用彰登黜下上具有意義信斯良志也矣業自
晦菴文公西山真公耒牧茲郡厥望益重惟我文
公任道于南紹統濂洛真公實用私淑蔚有耿光
顧皆弗究厥施以老天下後世曷言永傷而茲土
顧辱惠臨逝哉遺黎與被道化以樹有嘉聞斯固
異數也矣繼自今吏茲土者惟二公是則是倣則
行以德成而政斯善矣產茲土者亦惟二公是則

是做則志以道寧而學斯善矣學善則本端政善
則用利執此以往則上佐吾

君以仁覆宇內將有餘地而况於郡縣乎竊不自揆

願有獻焉惟吾黨圖之

賜進士出身福建按察司副使奉

勅視學仁和邵銳撰

隆慶戊辰志前序

天地分而人物生乎其間上有天子為之統治下
列侯國以分治之天子則有國史侯國各有外史
今天下名郡即古之大國也而郡各有志即古侯

國外史之遺也蓋萬古此天地則萬古此時事有事必有書史之與志均以書其時事之實古今於是乎稽焉政治於是乎鑒焉教化於是乎準焉民情憂樂於是乎通知焉人才盛衰於是乎懲勸焉故郡之不可無志猶古列國之不可無史也我國家大明一統志志我

國家大一統萬世之盛也統有兩畿十三省若八閩通志則志我閩一省萬世之實也省統列郡如福如興如延建汀漳志各彬彬然著矣泉爲七閩上郡獨宋淳祐間有清源志歷元以至我

朝嘉靖癸未間高侯越始聘筭江史公于光淨峯張
公岳修泉州府志自癸未迄今又四十有六年矣
中間吏治士風汚隆變態盜賊征歛死亡轉徙奚
啻萬端久則往事盡廢即有強爲之綴者亦蕪焉
而已矣萬侯來守是邦於是乎懼侯既廉勤爲本
慈毅爲施剔吏蠹節民用調停民賦悉拯民瘵乃
復學田葺學齋通學泮潮汐庸作士顛尤巖邑考
以鋤貪最殲逆酋以遏亂端庶幾百爾具舉者矣
遂以泉郡之志不容獨闕上之撫臺任齋塗公巡
臺又池王公提督學校見麓蔡公分巡興泉心泉

蘇公僉以其事即屬之侯侯迺集晉江尹羅名士
氏郡邑博士殷伯固氏余采氏暨學生黃伯光氏
於庭而命之曰郡徵守罔治守徵志罔規志之闕
如守之責也謂羅氏殷氏余氏曰爾各司輯惟是
探曠蒐逸攷故索實爾之責也謂黃生曰爾司校
惟是考異析疑辯誤正訛爾之責也咸許諾於是
三氏者各以其輯上之萬侯侯與二郡少鶴丁公
復徵之圖籍參之簿牒覆之耆舊則總三氏之輯
乃聘前吏部錦泉傅君夏器前參知藩事思所尤
君烈肖簡朱君安期前姚安守特峯趙君恒各司

叢目次以成編余適奉

聖恩放歸田里萬侯輒屬余與少司徒小竹黃公總其事辭弗獲遂合四君編目類為八志首輿地志凡為目十有一次規制志凡為目十有二次版籍志凡為目十有三次官守志其目有五次武衛志為目亦五次秩祀志其目有十次人物志其目有八終曰雜志其目有四至其所以類編之意則目錄之前既總為凡例而八志之下又各有小序矣卷成萬侯復屬余博士氏申與黃生訂之訂一然後付郡墓丘如岱氏梓之侯曰始余之求治也蓋

勞於咨訪矣茲志作而七邑治亂得失之詳一閱
具在治而得耶吾因而追復之亂而失耶吾得而
鑒戒之豈惟不敏恒以爲規後之人歷考治亂之
端而鏡於得失之林亦廢乎無事他求也已余愧
識膚而學寡志大而才不足以副之然緣是編而
獲見鄉諸先達賢不肖正邪真僞之辯凜凜然惟
恐陷於邪僞不肖之塗而無以躋於賢正真誠之
列是用夙夜匪懈則侯之所裨益於余者亦豈淺
淺乎哉或曰事跡之散於古今也無盡賢才之產
於鄉邦也各自名家子安知其無踈畧矣乎余故

曰昇愧識膚而學寡抑古人嘗有關疑闕廢者矣
遂僭書于志端

隆慶戊辰夏六月六日

賜進士第資政大夫正治上卿刑部尚書侍

經筵官致仕葵峯苗光昇書

又序

余嘗覽觀泉郡歷年登科諸錄自國初迄于嘉靖
隆慶之間殆二百年於斯為盛而舊志闕四十餘
年不錄又嘗欲知一郡生齒之數則舊志無載靡
所考至稽邑籍采風謠則云自嘉靖末寇亂兵興

賦役日繁戶口日耗而生民之苦倍於往昔矣其籍之存者類多虛數而已夫人才由戶口出人才盛而戶口衰此豈細故耶夫盛衰之際得失之迹此弔古者之所慷慨而歌好古者之所托始而述有志復古之治之所深觀而議發憤而求也而忽焉者衆何哉姑孰靈湖萬公自司寇出守是郡質直有文子坊而惠雅意著義之化而士知興起殫心鴻鴈之歌而民用安宅于今三年蓋盛者益盛而衰者亦有完實之漸矣於是喟然興歎以為外史掌邦國之故今世史無官吾為郡長而使志不

docsriver 文川网
入驻商家 古籍书城

在文川网搜索古籍书城 获取更多电子书

修邦之故事不傳民廣鬱而不昭墮賢士大夫之
業不述闕莫大焉乃謀諸貳守少鶴丁君遂告諸
巡撫都御史任齋塗公巡按御史又池王公暨分
巡僉事心泉蘇公咸以爲然於是擇鄉士夫之有
文者而禮致之分主其事而總裁於尚書蔡峯侍
郎小竹二公同誠協力整齊故事羅網舊聞約舊
一十七志而爲八志凡卷二十有二迄五月而書
成朗得而伏讀之見其綱約而目該詞核而事詳
山川則究其脈絡源委城邑必表其年代廢置戶
口賦役之登耗據事直書而治亂自見人物官守

之行蹟或傳或註而流口自昭凡若此類多發前志所未備至其不錄去思之碑生祠之記以絕諂諛止浮僞尤有益於風教吏理非獨文與事之兼核古所謂竊取之義蓋得之矣其於興衰保盛之政教豈少補哉初公謬以余預於是志之役而病未能也既成復命以序故不揣其陋為叙其述作之意

賜進士出身嘉議大夫都察院右副都御史前奉勅提督軍務巡撫貴州兼督湖北川東地方郡人峯康朗書